

河東鄭氏族譜舊序

二六頁

夫族譜者譜吾宗之所自出詳吾宗之所自來以及於後世子孫支派者也蓋非譜無以卞世代之遠近難以別宗族之親疎也故譜不得不作而吾宗之所自出吾派之所自分亦不得不詳者也是以爲族譜者非獨吾氏爲然自古及今有姓氏者皆爲之譜以爲一家之寶世守而相傳是皆追遠報本敦睦九族之義也豈不重且大哉惟我鄭氏出自三韓而河東之系夢延於一國處處爲大姓而來于鐵山者尤盛焉於今爲官爲庶數至千餘人以一邑之偏小尚且如此而况散處八路者哉嗚呼其初一人之身也以一人之後振振繩繩終至於千餘人之盛豈非吾初祖積德之報耶余嘗觀蘇老泉族譜序曰譜不及者親盡也親盡服盡則如塗人焉余未嘗不薄其蘇子之爲人也嗟夫兄弟一人之所分也服始于衰至于緦麻是爲無服而若計之代数則同高祖之親者也聖人制禮禮不可煩故節以定式耳豈可以親盡服盡如塗人也哉范文正有言曰吳中宗族百餘人於吾固有親疎吾祖宗視之則均是子孫旨哉言乎若

以祖宗之子孫視祖宗之子孫如塗人則祖宗之靈其肯曰余有後哉所謂蘇氏之譜者譜其一家之親近耳非譜蘇氏之義也吾氏之譜上自祖宗下至後世勿論卑賤尊貴且付女子外孫于卷端並為一譜使百世之後雖代遠親疎而考譜指之曰某某之支派某某之後裔是迺吾同宗之親也無與婚娶無相視如塗人其厚於同宗之義為如何哉余故薄蘇氏之譜而厚吾氏之譜云遂為之贊曰天祚有德昌我氏兮積善餘慶永錫類兮世世無忝介爾福兮子子孫孫長無極兮

丙申春發系之譜序 景濤序

重刊族譜序

吾宗舊無錄譜越在丙午先宗長宗橋氏與之享碩道重厘尚弼氏積歲月之工編輯而印一部以先宗長景濤氏舊序弁其卷蓋為尊祖合族之義矣今至五十有一年之久子姓益繁初分為七派又分十二派則生於丙午之後已有抱孫而不入祖系者不知其幾許也本出於一人之身而轉為面目不知聲名

不聞之人顧念其本孰不懷愴茲今宗長信興氏慨然有收族之意倡議繼述則僉議大同仍命余同宗七人曰譜不改修則無以統祖孫之世汝其追輯而刊之此有關於尊祖重本之義不敢辭退與相確編次而先譜爲兵燹所失不可考河東上系只以翰林公爲鐵山始居之祖其以上世次則疑不能著雖出於審慎之意而思其本始之義尤有所痛覲者人皆承鼻祖而我獨無繼愴懷窮天此何人理泚顙輯譜以俟後焉

丙申春後孫 龍徵識

孔子曰吾猶及史之闕文故書曰夏五聖人不敢以私見徵信於公史夫史之闕所以存其古也耳缺而知鼎之周紐折而知鍾之禹其爲古器者不貴乎缺折乎吾鄭之譜文多未具一本所始雖乳瞳相禪百世之遠則鼻耳莫聯則其爲古族於鐵山可知也已矣原夫鐵之鄭始於翰林公蓋言事忤旨徒邊爲鐵山人其當河東之將末而鐵山之將始乎夫始末之際士家興替之機會也宗彝省笏且不能保其故家况乎文獻者耶昔在新羅儒理王時改六部之號以

于珍部爲本彼部錫姓鄭東方之鄭始見於此其後諸族之宗若延日東萊皆不能仰續本彼此本彼缺譜之一也及至麗季有諱國龍爲河東君諱光允爲河東君而鐵之鼻祖蓋未詳其出於何君家乘所傳以國龍氏爲始諸宗人或云始於光允氏求之數百年莫有取證此河東缺譜之二也翰林公諱本從雨後見豐壤碑文光允氏有男六人諱儀儉府使是生熙坦輔國崇祿墓在豐壤有四子名皆從水第二子諱淋亦云以都承旨謫鐵山然則或虫食水而加雨於上如豕亥之訛耶然以字說求之從雨者殷佐之義也從水者霽滴之義也公候家爲子錫嘉不當捨雨從水以蔑義例况家牒所傳烏可輕易乎此鐵山缺譜之三也夫有三缺而欲強求補綴非貴乎吾鄭之爲古也所貴於吾鄭者惟忠孝之印爲世禪故一門纖紅之間有慕菴先生弟贈叅議公襄武公弟江西公昌城公弟部將公六忠有光史册雖欲闕之而不可得焉者也則自本彼受姓以來數千年其慶迺發於鐵噫吾鄭一線之脈何其長遠哉丙午元譜之後雲仍益昌乃至於不相識面於此苟不尊祖以統攝其支收族以會歸其本

則吾不以三缺爲可憂茶陵顏氏之忠節琅琊諸葛氏之義烈恐無以教其子孫矣此余所以隱然致憂於世譜而從翰林爲始所以存其古也庚子冬我宗長副護軍益夏氏以宗人來樞東佐趾顯爲族有司戒之曰前宗長同中樞信興氏省窩居士龍徵嘗有志於族譜鉅梓始役而物力綿薄宗議携貳寢其役者六年于茲不幸同樞公遽已下世未見其成幽明一恨今余冒忝宗長時年九十朝暮視隱恐復踵同樞公遺恨而目難瞑矣君等繼成父志無或遷延某等不敢辭遂監董訖役于宣川之匡山齋前後執事之有勞於譜役者亦皆題名于下方於是趾顯以書來謂余曰我族譜經紀屢歲辛勤卒成子其記之遂敬奉其言追敘如此

三校族譜序

昔太史公爲自序以明其司馬氏本源於司馬錯蘇老泉爲族譜以述其上系於蘇忿生則自馬錯至馬遷不知其幾許代而非是序則不可考也自忿生至老泉亦不知其幾許世而非是譜則不可徵也此譜之所以作也噫惟我鄭氏

粵自三韓蔓延一國皆為大姓而居于鐵山者最蕃昔在丙午先宗長宗僑氏
 倡議鉷譜其後五十一年丙申宗長信興又為聯譜至于今五十有二年子姓
 益繁子不入於父系孫不入於祖系以至于子之子孫之孫其祖孫間者不知
 其幾寸祖孫其弟兄間者不知其幾寸弟兄脈々相對有似塗人今茲宗長東
 赫氏慨然有收族之意與某某有志者積歲經營今迺編輯觀於此譜者孝悌
 之心油然而生矣嗚呼自我祖落鄉之後上系尚不能繼此先人所齎鬱范恨
 者久矣茲余使子持平顯璞族孫縣監義命遍搜於漢城及江華而亦未得信
 蹟回溯馬氏之為序蘇氏之編譜則其於追憾之懷曷有其極哉更無可徵之
 地遂仍舊貫而以翰林公為中始祖而編譜焉

關西河東鄭氏族譜舊刊識
 歲丁亥春後孫五衛將處宗謹序

粵在中古兵燹數矣東西奔竄失墓失系者在在皆然惟我落鄉而始祖諱霖
 氏墓山初不知何所而搜求不得我宗兄省窩公龍徵氏素以誠孝學行聞悒

慨然於斗栳峴磨石刻字以爲依歸壇而祀之其後崇禎後三戊午宣川宋
姓人得誌表有曰鄭公霖之墓云惟我諸宗感喜咸集因爲封莎而碣掇其舊
壇嗚呼落鄉先塋既是連系而其以上世系邈無可徵木萬枝而無根水千派
而無源廓然穹壤此何人斯異聞之錄傳疑之說又何多也庚申春族叔致鶴
氏方留京邸時清州人前都事鄭最成方爲刊譜於石加山洞出示一紙書稱
謂雙碧軒釋疑錄畧曰其傍祖監役公瑞生氏有二子長曰翼早夭次曰霖流
落海西而有子或曰龍或曰德溥無乃取龍德溥施之義以爲字耶致鶴氏見
其書而顛倒驚喜其瑞生名下以霖龍二字鉞梓連系以全譜五卷而來愚曰
何其率爾也彼所謂釋疑錄吾嘗見之其辭意紙面殆近矯飾今以尺紙荒唐
之說遽然連系稱謂父子其果有類利之驗耶恐未免崇輶之譏矣此譜若存
則後世子孫必以爲金石之文而牢不可變通愚與諸宗公議其霖龍二字圈
而削之懸註於其下以俟後考且按我族祖顯世氏舊譜序略曰楊州姓親家
乘有河東府院君諱光允氏第六代孫諱淋氏以都承旨謫鐵山而時則麗朝

文宗十二年云故或以府院君爲始祖愚曰不然栗嶺誌表旣得雨下之霖即
 其水邊之淋不攻自破而且落鄉始祖似在於我朝世祖成宗之間而此言
 麗朝者相左遠甚或曰厥初生民原有鼻祖而萬世後其可盡系乎與其置疑
 而連系於他族曷若以落鄉初爲鼻祖而別立關西之一門乎愚曰無已則然
 乎雖然惟我十三代去古未遠况有疑似之說若不搜求而自棄則先祖有肯
 曰有後乎搜求之道他無計策惟考信於印章版籍而已也愚嘗聞落鄉之時
 似在於景泰天順成化弘治之間而一二代卜居於宣川鄭哥洞三四代因家
 於鐵山鷲岩云其時戶籍大案想必留於江華漢陽平壤三府而但以其兵火
 之後無處可徵豈不慨嘆哉愚以薄識淺見敢爲文字附於篇末而如是多言
 者欲使來裔俾知顛末察詳眞贋則清州之錄安知非望郢之北耶宣川之籍
 安知非指越之南鄭凡我諸宗孝孫勿替此意其各勉旃

崇禎二百年丁亥春十三代孫思勗謹識

三校族譜序

夫有氏則有譜有譜則有序古也吾氏之居于鐵山者不啻數千戶矣移居于他鄉者亦不啻幾千戶矣皆爲所居之大姓而所未詳者譜也或有譜而未分明者譜之序也今吾氏之譜方爲改刊而所未備者惟序也且譜者明先祖之來系繼後裔之分派也苟非譜何以知世代遠近又何別宗族之親疎也吾宗之來系邈乎悠遠則譜不可無而序亦不得不詳者也肆惟前此遠覓於江華島而未得者以其失火之致也近搜於漢城府而無徵者以其兵燹之後也不可考吾氏之上系只以翰林公爲鐵山始居之祖而失其墓矣粵在戊午始得誌表於宣川山面栗洞新倉後改封焉此豈非我先祖積善餘慶之致耶且夫所關振者氏族之分派也其源之所來者譬如銀潢之落自九天也其派之所分者又如三湘與五湖也溯其同源而分流則尤不可闕一也茲庸改刊之初極加審慎如張槎之尋河禹橈之窮源矣嗚呼其初一人之身葛藟瓜綿分爲十餘派則譜之改刊者豈不重且大哉以予不文祇承宗長之命略叙如左焉

丁亥十月

日

後孫

日

永栗謹序

四校族譜序

吾鄭之製譜始於先甲丙午鷺岩先生宗僑氏修輯而以先宗長判官公景霽氏原序弁之再校於丙申三校於丁亥今又四校也皆以順翰林公爲西遷始祖者亶由於河東缺譜之無徵而栗洞誌表之有證故也肆昔諸宗長志篤紹述尋源推本靡不用誠力至若致鶴氏之釋疑錄松滄公之豐壤碑眩於見聞殆若燕晉之誑語也縣監公義命襄陽公顯璞之江華漢城府搜籍經來兵燹便同宋杞之無徵矣是以掌令公篆之序曰夫以三缺譜欲強求補綴者非貴乎吾氏之爲古也吾氏之所貴者貫河東居鐵山後五百餘年子姓蕃衍世襲忠孝爲官爲士數至萬餘人之多冠弁門欄名於京鄉以若慕菴公兄弟昌城公兄弟襄武公兄弟叅議公始昌七忠臣賜諡賸院也旌表顯秩也棹楔相望軒蓋填闕忠節烈行光昭史乘別立河東名門於關西則何必區區溯源於迷津系佇竢來後孝孫之采實矣噫吾初祖積累餘慶乃發於今日源遠末大之勢如河流之見於積石荒陲之綿於廛原也自丁亥至今八十二載之久雲仍

益蕃屢發修譜之論而門議岐貳有抱孫而未繩祖系冠子而未入父系者藟葛系緒迨若無星之稱無寸之尺齎歎已久屈于昨冬前僉正基錄銳意輯譜幾乎收單而族議未協遽然停役及至今春前議官正仁前縣監禹範決志協贊竟至訖功三族氏收族之誠已極嘉尚而諸執任贊成之功尤爲勤哉覩縷編輯鼻耳聯系昭穆列序四院十旌之蹟一根千枝之系瞭然開卷矣嗚呼星移物換閱歷後甲系尤遠而派尤分則此可爲一宗之元符也余以耄眊忝居宗首經營鉅役晚乃就志瞑亦無憾冒僭序事云

歲在戊申菊月中浣後孫通政公義琮序

顯祖行蹟撮錄序

著明先蹟蓋爲獎示來世也吾氏鉉譜始於先甲丙午迄今四校祇錄其系代本支而至於顯祖行蹟略無載錄爲是備載於乘錄而然歟抑因其繁重於譜編之致歟乘錄則非家家印藏譜編則乃人人日常者也莫重先蹟今又佚錄則無異藏玉於櫝疊畫於笥也在於述先獎後之道十分踈忽故茲與族侄履

洪秉筆覲縷特舉一宗中最顯先蹟十餘篇載之卷首自餘宦秩顯耀行義表著者繁而刪定此乃衆星中斗魁群山之泰嶽也後之覽者實心体得則激發其立節樹勲之志義云爾

歲在戊申菊月下澣後孫前中樞院議官 正仁謹識

河東鄭氏族譜序

鄭氏之籍河東者肇自麗朝左政丞諱膺歷四世而有默隱公以圃隱門人不仕我朝其三子皆有職秩各其後嗣甚蕃衍分爲三派系譜之成厥維舊矣十許世之間文學之相承忠孝之相傳極其輝暎有若文節公之爵德竹隱公之志節玉野公蘭谷公之邃學高義雙碧軒知足堂之偉文至行其奕兼舒發一何盛哉至於藥圃公之帥事尤翁當黃巴火色之酷抗疏叫閹者不亦偉歟今其諸派散處六路尋常致恨於譜牒之久未增修爰始發謀而竣事雙碧軒之五代孫雲需實主之而藥圃公之玄孫東璉遠來問序於余噫我東土族黨習成痼分門割戶者滔滔甚至於一堂之中戈戟相尋今河東之鄭舉一門而無

一人異趣盡是尊慕我栗尤兩賢者耳其視先世壁立千仞而後孫到東來西者果如何哉然則人之於斯譜其所興感而致敬者此他譜宜有間焉孰敢以近代之不振而少之也譜於斯者苟能有孝弟之心油然而生忠義之立大有所益則儘得爲明於譜系而有以承先裕後矣歲時花樹之會蓋以此相勉勵哉是爲序

崇禎後三庚申仲春本月吉日崇政大夫議政府右贊成兼成均館祭酒世子貳師宋煥箕序
嘉善大夫行吏曹叅判兼同知經筵春秋館義禁府事五衛都摠府副摠

管閱召懋書

鐵山河東鄭氏辛亥譜序文

무릇 한氏族의系譜를補編함에 있어父子同氣間生存與否마저알갈 없
은國土分斷의怨哀를되첩은다는것은일찍이우리民族史上보지못한怨
痛일것이다西紀一九〇八年戊申譜以後六十三年間은우리民族史上
大災難이重疊하였다一九一〇年庚戌의國恥는各姓과氏族에게創氏의
屈辱을當하게하였고一九四五年解放은光復의기쁨이사라지기도前에

南北兩斷의 怨哀를 痛感케 하였으며 一九五〇年 六·二五 動亂은 마침내
 骨肉相殘의 慘禍를 이르키었다 그동안 鐵山河東 鄭氏의 後裔가 많이 越南
 하여 京鄉各地에 散在하게 됨에 族譜의 補刊이 무엇보다 더욱 切實하게 要
 求된다 後日 統一時 以北親族과 血緣을 連綿하게 하고 以南의 同族間紐
 帶를 더욱 더 親密하게 할 契機가 바로 지금이다 이러한 使命을 띠고 族譜를
 編修中 關西로 落鄉하신 우리 始祖 諱 霖公의 上系를 찾고 저하는 念願이 懇
 切하였다 一八二七年 丁亥 譜識에 依하던 傍祖 致鶴公께서 雙碧軒 釋疑錄
 에 그의 傍祖 監役公 瑞生氏가 二子를 두었는데 長子 翼은 昊天하였고 次子
 霖은 海西로 流落하였고 그 子의 이름은 龍이요 或은 德溥라고 한 記錄을 보
 시었다고 하였다 그러던 雙碧軒은 누구이며 어느 時代人物인가 驪州 派譜
 에 依하면 諱는 允弼이요 雙碧軒은 그의 號인데 一六〇〇年 庚子生이다 그의 著
 書 釋疑錄은 우리 鐵山河東의 一六六六年 丙午 初譜보다 더 前의 家乘일 것이다
 一八〇〇年 庚申에 傍祖 致鶴公께서 이 記錄을 보시고 顛倒驚喜하셨을 것

은可히 짐작되는 일이다 더욱히 이번 에咸鏡道河東鄭氏族譜를 閱覽한즉
 諱霖公의 上系가 驪州派譜와 符合되고 그 에記載된 地名이 舊地名인 것을
 보아 驪州家乘보다 더 오랜 記錄으로 推定하지 않을 수 없다 五百餘年前事
 實임으로 精確은 어려우나 以南河東鄭氏大同譜에 우리 始祖 諱霖公이 長孫
 派로서 傳來되었고 宗家宅으로 指稱尊呼되여 온바를 보아 先祖 때부터 始
 祖霖公의 上系를 못받이여 恨하던 우리 後裔들은 이제 以南宗族과 血緣
 의 連枝를 맺고 앞으로 河東鄭氏諸派의 大同譜의 길을 열기爲하여 鐵山河
 東鄭氏宗親會의 議決에 따라 이번 族譜의 첫머리에 落鄉始祖의 上系를 敢
 히 記載하는 바이며 各地 특히 以北을 남겨두고 本譜의 譜單이 收集되지 못
 하여 未完의 恨을 품고 上梓하는 바이다

西紀一九七一年(辛亥)四月 日 後孫 錫海 謹識

河東鄭氏派譜序

窃伏念鄭氏之籍河東者有三派一以祖於麗朝左政丞公諱膺一以祖於麗

朝戶長公諱道正一以祖於麗朝禮部事公諱遜位各祖其祖譜亦各修而
惟我始祖政丞公諱膺始貫河東以來五傳而至默隱公諱熙有三子長曰郡
事公諱抱次曰文景公諱招季曰贊成公諱提始分爲三大派而長派大宗孫
翰林公諱霖世祖成宗之際言事忤旨流配于宣川後移寓鐵山因家焉譜牒
則肅宗己巳草譜以後與正宗庚申始爲大同譜而大宗派則但載默隱公
之玄孫翰林公諱霖與子教官公諱龍五世而下註有移寓鐵山譜單未到刊
役已設故不得同時刊出以待後時之遺言遺書此則南北懸隔不言可想其
當時交通通信之極難者矣其後數次大譜亦以前記遺言遺書載錄而已未
得錄鐵山大宗孫之下系亦可想其當時之慨恨矣最近接見鐵山大宗派之
譜牒世遠人久中間失傳以派系未詳之說以翰林公爲始爲譜余甚驚懼其
失傳疎遠之事遂與冀濂氏純誠氏龍建外諸氏數年間數十次檢討後十月
七日因開聯合大宗親會于서울依史稽傳爛商熟議結果推得默隱公以下
年朝之考徵翰林公以上派系之確證以上下連系之義一致決議遂成昔日

未遑之事何幸如之何欣如之一驚一喜猶有感淚沾襟者耳然則鐵山譜連上系南韓譜錄宗派是可謂完全譜也鐵山之戊申譜已過六旬南韓之丙寅譜既經百歲義當修大同譜而今又南北兩斷一無交通通信之往來豈可得大同乎故今則姑以鐵山派譜但載自政丞公以下九世之同行孫錄十世以下則只錄翰林公后孫之越南一部姑修派譜大同譜則以又待後時南北統一之機結論則茲不勝時局紛擾之歎而已惟願吾僉宗伊後待機應變三大派合一而成完譜則孝悌之心油然而尤生其於敦睦之誼篤厚之風大有所益矣是可爲承先裕後之第一道也相與勉勗有所感發敢以爲序

檀紀四千三百三年庚戌十月上澣默隱公十九世孫潤植謹拜序公

四校譜跋

吾宗之有譜也尚矣其系派之蔓延宦秩之顯耀備載於先譜與乘史不必架疊而自先甲丁亥校譜迄今八十二年之久子姓益蕃譜牒未講孫未繩祖系子未入父系代遠派分系云叔侄而未知其幾系叔侄序名兄弟而莫辨其幾寸兄弟厥初一人之身分至於姓名相問面目相踈之境蘇老泉塗人之歎孰曰無哉何幸前僉正基籙氏倡議於昨冬前議官正仁前縣監禹範贊謀於今春經營鉅役竟至訖功三族氏尊祖收族之誠已可尚矣而我先祖積累冥佑之澤抑不休矣哉嗚呼譜於氏族顧不重歟以吾四十八派之族世居一鄉纔經八旬年餘猶尚闕譜如是況於後歷幾十年而代遠派分散處八域者乎今此編譜後雖生面相敍講譜論系則某祖之遺裔某派之分支歷歷可詳而四院十旌之蹟一根千枝之系瞭然開卷矣此實吾宗之青氈寶銘也恭惟僉宗百世典藏克纘祖系哉以若不肖猥忝整單敬遵宗議冒僭附跋

歲在戊申菊月中浣

後孫 履洪 謹跋

河東鄭氏世譜

始祖

鄭膺

始貫河東性潭
先生宋煥箕序
庚申大同譜曰
鄭氏之籍河東
政丞 諱膺左
麗朝德宗朝登
第官至金紫光
祿大夫都僉議
左政丞檢校太
子詹事
配郡夫人河東裴
氏
父隱陵直唐赫

二世

子 賊

登第官至銀青
光祿大夫密直
院副使
配縣夫人利川徐
氏
父護軍曠

三世

子 縈

金紫光祿大夫
同平章事封河
川君
配郡夫人文化柳
氏
父文山君忠誠
君成庇祖密直
兼翰林學士監
門衛上護軍淳
曾祖密直使彥
殊外祖僉議侍
郎贊成事匡靖
致仕長興任翊

四世

子 承慶

金紫崇祿大夫
特進金吾上柱
國門下僉議贊
成事
配郡夫人中和金
氏
父內署令頌

五世

子 台輔

未弱冠而卒贈
銀青光祿大夫
密直院副使
贈縣夫人白
川趙氏
父三重大匡平
章事亮

六世

子 熙

號默隱鄭剛隱
門人居比隣襁
王丙辰遷文科
元同年羅士壯
恭讓辛未陞司
憲府執義是年
拜進賢館直提
學壬申春公痛
憤奸臣執權與
諫官金震陽等
十餘人聯疏極
論鄭道傳南閭
趙浚等罪連以
爭啓請誅四月
圍隱殉國公首
竄海島于九年
太宗庚辰特蒙
有選而杜門不
出忌二月十九
日贈崇祿大夫
議政府左贊成
兼藝門館集賢
殿大提學京鄉
章甫建院暇享
于光州花潭祠
及杜門洞書院
大邱士林設壇
薦享于大邱八
公山下百安洞
妙谷良坐原歲
一祭十月十五
日有壇碑齋室
贈一直夫人
配 大邱徐氏

七世

子 抱

太宗初年庚辰
以白衣直拜祥
原郡事仍登文
科卒于任所世
宗朝原從功臣
配 涖人管州柳氏
父監察溫祖密
直院副使和曾
祖典書台壽外
祖輔理功臣知
三司事福成君
一直孫得壽墓
楊州西山尖山

八世

子 純彥

生員
配固城李氏
父知中樞埤祖
左議政鐵域府
院君原曾祖密
直崗號平齋

九世

子 瑞生

配全義李氏
父縣令知耻祖
判官曷外祖知
事信川君信川
慶衰是為監役
公派

十世

子 霖

字平仲號隱世
祖戊子式進士
以翊衛司翊贊
出宰陰竹六巨
事出解印隱俗
離山竹隱村以
自號終身不仕
教養後學撰詞
門約誓行於世
載東儒鑑
配宜人咸陽朴氏
父司成允俊祖
少監曾祖主
主簿英周外祖
金崇道墓上同
附是為翊衛公
派

女 朴義榮

密陽人恭議父
大司諫相女鄭
承祐女別坐金
達文

子 權

子 衡

進士筮仕以翊
衛司左副率出
宰牙山成宗朝
原從功臣癸巳
四月廿三日卒
配 安人竹山朴氏
父佐郎鑑祖判
尹子良曾祖密
直使叢外祖知
敦寧節孝公漢
田趙寶墓仁川
田畔面桃李峴
乾坐祔有表石

子 衡

五校譜跋

우리族譜는距今六十三年前인戊申年에鐵山河東鄭氏世譜를編譜한것이다 當時譜記載人員이八千九十一名이였다 其後우리派族이繁昌하여數十萬餘名으로推算되는것이니實로關西大姓이라할것이다 解放과더부러父母兄弟妻子를離別하고그리운故鄉을떠나南下한宗親千餘世帶는서울河東漢醫院에會集하여宗親會를組織하고다시編譜할것을二年餘에걸쳐論議한끝에宗親諸氏의熱烈한贊同으로編纂에着手하게된것은將次南北後裔들의系譜를連綿케한것은勿論實로우리氏族의百世之寶銘이될것을宗親諸位에謹告하오며不肖整單附跋하는바이다

辛亥 五月 日 後孫 純 誠 謹跋